

明

詩

紀

事

明詩紀事

貴陽陳田輯

兩載

彭韶一首

韶字鳳儀莆田人天順丁丑進士授刑部主事厯員外郎中出爲四川按察副使遷按察使再遷廣東布政使改貴州擢右副都御史巡撫應天改順天永平召爲刑部侍郎尋兼僉都御史巡視浙江兼理鹽法改吏部進刑部尙書卒贈太子少保謚惠安有從吾

滯稿十二卷

四庫總目韶正色立朝巋然耆舊其文雖沿臺閣之體而醞深雅正具有根抵不同於神瘠而貌腴

今言方遜志在翰林。龍任時薦西楊西楊修實錄乃
謗方叩頭乞餘生。彭惠安公哀江南詞敘述建文死
義之臣至方遜志乃云後來奸佞僞巧言自粉飾叩
頭乞餘生無乃非直筆蓋指西楊輩修實錄書方再
三叩頭乞生者非實事也
蘭陔詩話惠安詩風骨峻整氣味醇厚

魏孔淵太守送岑嘉州集書數韻復之

岑嘉州真名流生平浩氣橫清秋詞源湧洞傾枚鄒春江曉
漲蛟龍浮從班解秩不復收從軍直到海西頭胡沙三載踏
驛鷗長安萬里空悠悠閩關西赴五馬侯郎官御史青幕遊
蜀嘉山水增清幽夜夜文光煥斗牛嘉州嘉州知不憂遺文
淪落人重修當時炙手勢莫儔至今寧有姓名留

王克復

一首

克復字師仁福清人天順丁丑進士授刑部主事歷

員外郎中出爲江西參政厯湖廣按察使江西布政
使擢右副都御史巡撫應天遷南吏部侍郎

吳門懷古

昔日館娃處繁華空故邱楓橋霜落夜茂苑月明秋響屢青
苦沒香涇錦纓收傷心歌舞地一任麋鹿遊

周謨一首

謨字守謨新淦人天順丁丑進士累官陝西按察副
使有東臯集

寓舍舒懷

春風浩蕩捲晴沙幾日行人未到家料得東臯桃李樹已應
開到二分花

左贊二首

贊字時翊南城人天順丁丑進士授吏部主事歷員外郎中出爲浙江參政遷廣東布政使有桂坡集

書史會要左贊書法兼諸體尤精於隸得二蔡筆意

遊從姑山

勝境重來又十年山中風景故依然危崖俯瞰雙江水石竇微開一縫天夾道松筠森晚翠隔城樓閣倚晴煙白鷗波外浮雲淨目送飛帆到日邊

徐賁一首

賁字原一清安人天順丁丑進士授兵部主事歷員外郎中出爲福建參政遷布政使改山東擢副都御

史巡撫遼東召爲工部侍郎進尚書加太子太保卒
贈太保謚康懿有餘力稿

蒜嶺驛別張序班

驛路相逢又指別客邊送客若爲情東風也解離人意故遣
飛花繞旆旌

虞勸一首

勣字舜臣海鹽人天順己卯舉人

登鷹阿頂贈松崖道人

道人結屋懸崖巔蒼松百尺蟠屋前凌空怪石根半露巢鶴
老樹藤相纏層巒醉踏苔雲滑洞門長嘯蘿月圓借君九節
碧玉杖同探崑崙十二天

王佐一首

佐字廷用福州中衛人天順己卯舉人授桐廬訓導

改鄒平教諭有三留稿

靜志居詩話廷用宮怨詩芙蓉帳冷減容光愁倚熏籠
始十二代詩采之游用之夢焦詩話謂南甯伯毛舜臣
留守南都漏掃舊內見別院牆壁多舊宮人題詠
年久剥落不可辨識其一署曰媚蘭仙子書卽此詩
末二句也當出好事者博會不然裕陵定都北京之
後康陵未南巡以前安有宮人以延用詩書之南內壁乎

上清宮留飲

羽櫂邀我飲流霞不覺松梢日已斜鶴背洞簫歸路晚一聲

吹落碧桃花

張濬一首

潛字哲之閩人天順己卯舉人授饒平知縣有孝友
堂遺稿

宮詞

金箔微閒埽玉牀離宮初度水風涼月華滿地笙歌沸未信
今宵更漏長

張元禎

一首

元禎字廷祥南昌人天順庚辰進士選庶吉士授編
修進左贊善擢南侍講學士進學士遷南太常卿兼
學士掌詹事府事擢吏部侍郎入東閣典誥敕天啟
初追謚文裕有東白先生集二十四卷

漫興

吾聞唐虞時明目達四聰如何後來世自作曠與曇致令天下情默默不能通撫卷三嘆息颯颯來天風

陳煒一首

煒字文耀閩人叔剛子天順庚辰進士授監察御史遷江西按察副使進布政使有恥菴集十卷

宿茅山觀

息影茅山陽林昏月初上樹古虬影蟠風迴葉聲響客夢不成憇孤懷共誰賞繅惟故山雲無雨謝塵想

黃孔昭一首

孔昭初名曜以字行改字世顯黃嚴人天順庚辰進士授工部主事進員外郎改吏部郎中擢右通政

遷南工部侍郎嘉靖中贈禮部尙書謚文毅有定軒集

田按文毅官吏部最有名譽與謝鳴治輯台人詩爲赤城集六卷許廷愼李長民諸人詩皆賴以傳

遊山寺

山隱招提境人穿松柏林鐘聲出樹遠塔影到池深掃葉分僧石聽猿狖坐竹陰禪關秋草滿索寘向誰吟

陳選

一首

選字士賢臨海人天順庚辰進士授監察御史擢河南按察使進廣東布政使

雨阻

篷響聞雨至淒然生旅愁遙尋晚林磬暫駐寒塘舟窗下一

僧老林問曲徑幽誰言阻行者翻使得佳遊

祁順

二首

順字致和東莞人天順庚辰進士授兵部主事遷戶部郎中出爲江西參政謫石阡知府遷山西參政進江西布政使有異川集十六卷

田按致和守石阡操石阡志十卷以才敏擅文守嘗遊鎮遠西峽山與興隆周布政瑛俱和布政有句云忽聞黃太使詩句落黔中其爲黔人傾慕如此

登臨江清風樓

晚涼公事暇乘興一登樓雲氣千山雨松聲萬壑秋隄平芳草合天遠大江浮日暮行人少空橫野渡舟

野塘秋景

翡翠鸞鷺各有情映波毛羽最分明玉櫻金殿何須問且了

閒塘一段清

鄭紀 一首

紀字廷綱仙游人天順庚辰進士改庶吉士授檢討
厯國子祭酒南左通政太常卿戶部侍郎進本部尙
書致仕有東園文集十四卷詩集十二卷

遊鳴峯巖

清絕梅峯下溪南第一山客尋流水到僧伴白雲閒松子撲
琴響藤花點硯斑雖居浮世上卻自異人間

彭教 一首

教字敷五吉水人天順甲申第一人及第授修撰進

侍講有東瀛遺稿四卷

蘆堂詩話裏時諸翰林齋居閉戶作詩有僮僕窺之見面目皆作青色彭敦五以青字韻嘲之幾致反目子爲解之有曰擬向麻池爭白戰瘦來雞骨豈勝拳聞者皆笑

月印龍潭

一月在天心影落寒潭底閒撫曲闌干問龍何日起

陸鉞三首

鉞字鼎儀崑山人榜姓吳天順甲申第二人及第授編修厯修撰右春坊右諭德擢太常少卿兼侍讀有春雨堂稿三十卷

懷蘆堂集鼎儀詩調高古盡去濃艷當所得意縱筆揮灑刻意極力者顧追之而不可及尤嗜書清勁可愛蘆堂詩話張滄洲亨父陸靜逸鼎儀少同筆硯未第

時皆有詩名亨父天才敏絕而好爲精鍊奇思硬語
閒見疊出人莫擗其鋒鼎儀稍後作而意識超詣拔
高徑趨擢落塵俗筆力所至有不可形容之妙雖或

矯枉過正弗恤也二人者若天假之年其所成就不
知到古人何等地步而皆不壽以死豈不重可惜哉

詩談陸鈇九霄之禽翩然高舉莫測其意向

藝苑卮言陸鼎儀如吃人作推語多在咽喉間

田按陸鼎儀張亨父詩均爲茶陵所稱許鼎儀有清

裁而力弱

不能自舉

戲簡文量

樽前誰遣雪兒歌司馬風情晚更多銀蠟影偏人已醉紫檀
聲斷興如何歸來尙想桓伊笛醒後空慚學士波戲問韋娘
今健否青樓元自不會過十月二十八日予與文量晚酌朱
觴夜深風冽琵琶屢斷而愁逼以洞簫繼之已而秀舍絃接
拍清歌數曲中有所謂學士波者余不解文量酒之曰此方
言也文量醉甚戲問秀杜韋娘安否秀茫然無以對因相與撫掌而罷云

次韻答亨甫

水繞城圍二萬家市門潮落露寒沙橋憐白塔吟風葉路憶
新隄卧雨花自媿兒童辭邑里每因朋舊惜年華他時歸卧
吳江上應借滄洲十頃霞白塔亨甫屋邊橋新隄余家河也

瓊林醉歸圖

金羈細馬出明光碧色羅衣錦繡香行過玉河三百騎少年
爭說李東陽

田接天順七年癸未二月會試棘闈火八月再試取
吳武等二百四十七人至甲申乃舉廷試東陽二甲
第一年最少僅十七

張泰

八首

泰字亨父太倉人天順甲申進士選庶吉士授檢討

遷修撰有滄洲集十二卷

升菴集張亨父詩句清拔名於一時其正月十六日
詩云長安元夕少燈光此夜歡娛覺更忙十里東風
吹翠袖九門銀燭照紅粧虹橋御陌爭春步雲閣誰
家閑晚香醉着吟鞭急歸去老夫當避少年狂其手
書稿憤於先師李文正公處見之

南濠詩話張修撰亨父工於詩嘗與晚與翰林諸公
聯句有云生事殘年話風流後輩誇竟以是月卒亦

詩識也

田按亨父才華爛漫與陸鼎儀陸文量號吳中三鳳
館選時劉文安爲院長語某吉士云古詩律詩各有
體裁與亨父叫其妙可
也其爲老輩推重若此

用韻答陳克敬杏花下作

春來幾花開過春幾人復爲花主人臨風問花花不語一片
已墮青溪蘋我有春詞爲花發韶華簪眼春江雪花時不抱
花影眠孤負青天送明月

贈別蔡時中溫州佐府

南客之官去浙東永嘉山水儘相容城當斗口雲生壘寺落江心浪打鐘松院一琴同吏隱花時五馬勸春農未應別駕淹高足漢署人多識蔡邕

爲鎮江唐一敬題一泓亭

江郭喧喧此室幽當階一水淨涵秋晴看細浪搖花幔夜吸寒星落茗甌未惜草書供渴兔最愁橫吹起潛蚪題詩爲問唐清叟還許濠梁作勝遊

長門春思

露重花垂泣煙深柳暗聲如何清禁裏有此斷腸春

京中咏春

輦路輕塵撲馬鞍酒房花市繡成團一家樓榭東風裏多少

春愁隔畫欄

海城春望

一帶浮光界遠田數枝花柳簇春煙誰家酒幔招人醉搖蕩
東風出樹巔

題畫

遠山隔樹高於隴墜石當溪響亂泉欲脫塵衣此中去滿庭

黃葉抱秋眠

二陸來酌聞隣家絃索聲

酒淺燈寒醉不成隔牆絃語若爲情太平兒女中原樂不是

蛾眉出塞聲

謝鐸四首

鐸字鳴治太平人天順甲申進士選庶吉士授編修

厯侍講南國子祭酒擢禮部侍郎卒贈禮部尙書謚

文肅有桃溪淨稿八十四卷

蘶堂詩話謝方石出自東南人始未之知爲庶吉士時見其送人兄弟詩曰坐來風雨不知夜夢入池塘都是奇爭傳賞之學詩自立程課限一月爲一體如此月讀古詩則凡翰林官課及應答諸作皆古詩故其所就沈著堅定非口耳所到旣其老也每出一詩必令予指疵不指不已及予有所質亦傾心應之必使盡力予嘗爲匣山詩內一聯渠意不滿予以爲更無可易渠笑曰觀予胸中似不止此最後曰廟堂遺恨和戎策宗社深恩賚士年渠又笑曰微我子不到此予又爲端禮門古樂府渠以爲末句未盡往復再四最後乃曰碑可毀亦可建蓋棺事久乃見不見姦黨碑但見姦臣傳渠不得辭罪已躍然而起矣方石古樂府最得古意如過河怨曰過河過河不過河奈中原何夜半檄曰國威重空頭敕相權輒夜半檄

皆警句也

詩談天台謝鐸剛毅英華焉用藻飾

姜南蓉塘紀聞桃溪謝文肅公鐸有順天鄉試錄次

韻寄潘時用詩云又是西風桂子秋不聞仙錄上瀛

洲青燈入夜天涯老誰復朱衣爲點頭末注云時西

涯李學士爲考官而時用子弟豈非命哉蓋時用與

西涯平生最相知者時用名辰後以薦舉官至太常

三台詩錄文肅旣歸路過新河有軍笑之曰有官不

會做有錢不會接文肅聞之笑曰軍其知我哉遂賦

一絕云五陵裘馬日更新白髮歸來苦愛貧除卻新

河軍識我平生知己更何人亦前輩一段佳話也

白楓河

白楓河河水滿地流紅波波聲入海爭盪摩蛟螭夜泣愁龍
鼴嗚呼壯士可奈何白骨兩岸高峩峩君不見河之水深不
極至今中有銜冤石

三台詩錄元季方氏之亂陳仲廣率族人禦戰白楓
河不勝裹犢而卒世無知者公特表章之

病起

病起風光四月過蕭蕭雙鬟不知幡驚心午飯還宜粥入眼
春衫盡換羅筋力轉妨騎馬怯路岐生見出門多百年夢覺
今如此一笑青田奈爾何

龍堂詩話陸鼎儀嘗言謝方石詩好用夢字及一笑二字察之果然閒以語之亦一笑而已不易因憶張亨父嘗言杜詩好用真字豈所謂許惲千首溼杜甫一生愁者雖古人亦不能免耶

謁侯城里有感

欲向西風醉一尊乾坤何處著英魂百年事過風前燭千古
名留海上村香火半龕誰地主孫枝一葉是君恩夕陽滿地
傷心淚付與江流自吐吞

孝女湖

丁甯湖上人莫汲湖上水中有孝女淚下徹重泉底

倪岳 一首

岳字舜咨錢塘人徙上元尙書謙子天順甲申進士
選庶吉士授編修厯侍讀遷學士拜禮部侍郎進本
部尙書加太子少保厯南吏部兵部入掌吏部卒贈
太保謚文毅有清溪漫稿二十四卷

田按文毅父謙謚文僖有明父子得謚文自倪氏始
文毅詩才不逮文僖而政績遠過之

晚泊流河

迢迢客路近流河漁浦風晴起棹歌夾道短籬村巷小兩行

疏柳夕陽多

劉大夏

二首

大夏字時雍華容人天順甲申進士選庶吉士改兵部主事歷員外郎中以忤閻繫獄尋出爲福建參政進廣東布政使改浙江擢副都御史治張秋河進戶部侍郎兼左僉都御史理宣府兵餉移疾歸起右都御史總制兩廣軍務拜兵部尙書加太子太保賜歸以忤劉瑾逮繫遣戍肅州赦歸卒贈太保謚忠宣有

東山集

何孟春燕泉集劉東山公晚年湘州之謫雖由逆瑾其實公同年焦闇老芳爲之公與焦素無他焦特忌公名耳岑猛賂旣行瑾集大臣議欲寘公重辟諸大臣懦不敢吐一語獨都御史屠公鏞曰劉某何罪必欲文致之瑾怒明日大臣以屠議奏瑾謀於焦及吏部尙書劉宇宇又索娥公者署劉某輕議吏人遷徙發遣戍瑾初擬廣西邊衛焦曰是送彼歸也乃定肅州公西行稿載公赴肅州時故舊皆避不來會獨鄉

人嚴仲洪贈詩公和答之公過六盤山寄西涯閣老
詩未句云寄語同年老知已天涯孤客幾時還歎同
前年也後歸自六盤和前韻未句云憑誰寄語中州子
前度劉郎今已還中州子焦與劉也其事蓋如此
雙齋詩話劉忠宣公平生不刻意作詩間有爲而作
者皆事核意眞情到興具如撫諭田州句云如何萬
頃桑麻地天與夸人作戰場雖土官岑博亦感也出
錦衣獄中有句云紅塵未了清時債白髮重來此地
遊蓋公爲兵部郎中嘗下獄也謫戍甘肅過六盤山
句云綠野誤爲三品地白頭今到六盤山蓋以爲終
於侍郎不起未必有此謫也謫所示子姪句云報國
未能平海宇充軍終是累兒孫蓋以逆瑾有劉某永
遠充軍之批旨也又云猶有先朝宣召夢急趨黃屋
面承恩蓋思孝廟君臣相遇千載一時雖在謫所不忘
忘情也謫所贈同事詩曰時事何人苦變更邊城持
戟半儒生蓋劉瑾用事士大夫有罪多謫謫甘肅也
田按忠宣一代名臣詩非所留意語特軒爽

再登重陽菴

山徑迂迴又一庵白雲深處暫停驂遊人對景心偏適遠客

懷鄉意豈堪十載官情淹薊北半生歸夢在江南孤臣敢負
君恩重深恐經綸未素諳

和同遊陸大參韻

雲山何處是歸期老去偏憐宦况微作客未離煙水地行囊
先製芰荷衣吳山地近紅塵少楚澤尊香紫蟹肥今日共君
須盡醉白頭相與會應稀

陳音一首

音字師召莆田人天順甲申進士選庶吉士授編修
歷侍講遷太常少卿進本寺卿有媿齋集

田按師召與顧東江居相鄰近於牆上作繪竿以便
投詩名曰詩鈎東江有詩紀之云巧心文思孰兼長
詩鈎詩成又幾章千里浮沈謝江路一竿風月共鄰
牆君如緣木求鯀鯉我正懷磚想珮璜畢竟兩無名

利念五湖煙
水舊同鄉

送潘栗夫

二十年前舊弟兄離亭尊酒不勝情蜀山渺渺知何許清夜相思只月明

吳希賢

三首

希賢字汝賢莆田人天順甲申進士選庶吉士授檢討厯修撰左諭德遷南侍讀學士有聽雨亭稿

送上人還莆

十載關河雲水蹤忽驚春雨偃嚴松傳來西竺千年法歸聽
南峯五夜鐘錫響吳山鶩虎豹杯浮閩海護魚龍題詩我憶
曾遊處落日曇花意萬重

倪元鎮畫

春草湖邊浪拍航篷窗日午坐焚香此翁老去雲林在枯樹
荒亭幾夕陽

咏梅送熊通政

江南春色別來久夢繞梅花思不禁何似拂衣歸去好小齋
明月夜橫琴

郭璽一首

璽字文瑞城武人天順甲申進士選庶吉士改兵部

主事

送王惠民

故鄉憐久別奉詔喜南還草色都門道潮聲潞渚船清風隨

去鶴明月滿前川
忙看來春暮鵬搏萬里天

倪輔

一首

輔字良弼平湖人天順甲申進士授吏部主事改禮
部厯官湖廣參政有類劇遺稿

徐州

山中雲散千年氣隂上人耕百戰場瘦馬獨行回首處冷煙
斜日似咸陽

沈棨

一首

棨字元節平湖人天順甲申進士授工部主事厯潮
州延平臨江知府遷貴州參政有顧貞集

擣李詩繫元節詩文沖澹
純雅五言古得柴桑風氣

送友歸省

江天雨繁霜水落見層石北風捲地來寒色晚逾劇之子戒行李詰朝問鄉國青雲多故知而深歎離惜我懷亦何爲兀兀殊未釋一官慚素餐十年久爲客甘旨願已違雙親況垂白家弟昨致書海潮害秋梗因之欲奮飛安得晨風翼

林榮 一首

榮字孟仁番禺人天順甲申進士授監察御史遷福建按察副使

薊門聞笛

冒寒重到塞垣遊羌笛悠悠起戍樓應有開元遺譜在月中三弄小梁州

官廉一首

廉字汝清平度人天順甲申進士官戶部郎中有薦
東集

和戈主事勉學韻

相逢歧路際話別酒尊間遠樹迷前浦停雲繞暮山離襟連
日苦塵鞅幾時閒回首蒼龍闕隨君有夢還

桑悅三首

悅字民懌嘗熟人成化乙酉舉人除泰和訓導遷長
沙通判改柳州有思玄集十六卷

田按民憲跋唐詩品集云唐人詩三百餘篇大抵賦
多而比興少句多而意少其傑出者陳子昂李太白
杜子美韓昌黎四家耳併唐三百餘家之意不如陳
李杜韓四家併陳李杜韓之意又不如阮籍陳子昂詩

漢古詩數十首可謂知要第其所伯利鉞雜陳安自
矜誦宜爲前人詆訶其訓導泰和也李文正贈詩云
十年三度試春闈親見聲華滿帝畿甲第八極唐李
部奇才終誤宋劉幾功名歲晚非蓬鬢湖海官貧尚
布衣試着孤鷹下林落壯心還向碧天飛憐才之意
溢於言外

八月二十二日過分宜昌山洪見一巨蛇長二丈餘雙
角嶄然衆夫驚呼潛其首尾脊角獨露冉冉而逝作
詩志異

扁舟晚亂昌山洪巨蛇雙角疑潛龍隨流徐入巖穴中薄雲
慘慘吹陰風季秋陽蟄龍德窮非時小見蜥蜴同投荒僻覩
眞奇蓬天意示此非夢夢震澤秋水涵虛空先生盍歸採芙蓉

贈蕭時清

十里螺湖如掌平開門正挹滄浪清偶逢道士贈丹訣閒課
山童鈔酒經畫長燕子飛入戶春盡樹陰鋪滿庭近來聞說
有奇事賣藥修琴曾到城

過陳巨濟國賓家

醉眼昏昏醉墨斜題詩閒過晉卿家朱簾十二無人捲風定
園林自落花

文洪一首

洪字功大長洲人成化乙酉舉人官涑水教諭有括
囊稿二卷

田接涑水以名德重不以詩見長自敘其詩云如春
山早鶯初出深谷舌弱語澁不能成聲古人之不自
矜詡如此

菊存坡

杪秋風氣肅繁霜被原野采采黃金花盈盈尙堪把會心卽欣然何必東籬下

明詩紀事

貴陽陳田輯

丙午

羅倫一首

偷字攀正永豐人成化丙戌第一人及第授修撰坐論事貶泉州市舶提舉起南大理評事就遷修撰正德中贈諭德謚文毅有一峯集十卷

四庫總目
施閏章跋齊詩話世傳羅一峯起用時哭友詩有九原若遇南陽李爲報羅生已復官子疑其忿狹不類一峯偶問施偉長則御史薛之細賴廬陵陳莊斬者也其詩云學士先生早蓋官薤歌聲裏路人歎墳門客散名猶在附郭田多死亦安鹽井已非今日利冰山不似舊時寒九原若遇南陽李爲報羅生已復官蓋陳不協鄉評又嘗與李同薦戴羅公者也

田按舜正謫提舉後起南大理評事見菽園雜記可據以補史缺

林緝熙歸會於薌城梁宅和洪城見寄

雲水千峯更萬峯此心期與故人同蒼茫世路浮生在滯泊
春杯野興濃鄉夢幾回茆店月蓑衣無恙柳花風明年喚取

陳公甫早禱青天信一篷

程敏政三十二首

敏政字克勤休甯人成化丙戌第二人及第授編修
歷左諭德少詹事兼侍讀學士以事罷官尋起復改
太常卿仍兼侍讀學士進詹事再進吏部侍郎贈尙

書有篁墩集九十三卷

殿閣詞林記孝宗時尤重經筵學士程敏政記其事
云弘治元年三月十二日初開經筵賜宴及白金寶

學鑑十三日文華殿早進讀尙書孟子及午進讀大學衍義以爲常講畢賜茶上皆呼先生而不名四月十八日以後屢賜桃杏郁李蓮房鮮荷青梅枇杷楊梅雪梨鮮荔枝政等具表稱謝且記之以詩有日黃華殿後講上顧中官賜講臣冠帶鞶袍敏政預賜金雲雁緋袍一副金帶一及烏紗帽阜鞶面謝訖上顧謂曰先生辛苦咸對曰此皆職分當爲頓首而退有詩紀之云日映璫冕曉殿清湛恩稠疊駕親臨喪衣紅澑天機錦束帶黃分內帑金久幸膺班容宦履漸慚華髮點朝簪經生職分尋常事消得君王念苦查慎行人海記劉文靖以程篁墩短其不能詩銜之故廷鞫之獄李文達之嫌葉文莊亦以疵其詩文立就文采粲然詔讀舊翰林大學士李賢妻以女弱立就文采粲然詔讀舊翰林大學士李賢妻以女弱成進士學問該博爲一時冠數遺辭艷未竟其用不翦爲世嘗議亦可

十一月偶至南山黃落頗甚夜宿聞雨作

清溪淺可涉朔氣動原野數日與山別殘菊不盈把多病惄
鮮歡新篤謝杯穿夜寒夢屢續涼雨忽鳴瓦俯仰天地中流
光疾於馬紛紛歲將晏稍幸世緣算上想雲谷仙幽懷浩難
瀉

謁京口魏勝將軍廟

長風吹山磯落日下京口桓桓魏將軍廟食此邦久土馬臘
儀衛金書炫庭牖忠義夙所欽再拜酌江酒憶當宋社南君
臣竄身走將軍起田間意氣最雄趙孤城江海上日日事攻
守中原天弗畀竟爾墮戎醜前旌晚不揚雄劍夜空吼何人
始召亂志士徒殞首當時百戰場荒落見沙柳

過鄭公釣臺

余忠宣公
隸字刻石

相公湖邊一拳石截斷湖光三百尺射蛟人去今幾年誰掃
雲根看遺蹟師山先生性愛山偶然得此青屏顏臨流坐釣
不知晚漁樵並載扁舟還武威余公天下士特與先生題篆
字良工刻入斷崖傍遂使溪山增勝事一朝海內風塵生兩
公死國如弟兄平生隱顯雖異迹竹帛同垂千載名葉風雨
過潮初落足躡蒼苔俯幽壑釣絲已逐野煙飛字畫多爲古
藤絡師山之節峻且孤武威之字人爭摹忠賢遺蹟眾所寶
泉石清奇何處無

蘇墨亭

百步洪有東坡石刻云郡守蘇軾山人張天驥詩僧

道潛月中遊十六字沒水中三百年矣水部主事尹
君廷用得而昇之作亭以覆曰蘇墨亭予凡七過其
下不能措一詞成化丙午秋歸自南畿念終不可已
乃勉成數語留亭中且以寄尹君時子族姪孫楚英
方同知徐州并書以贈之

蘇墨亭前七回過春水茫茫懶收船公輸門下難爲工縱有
新詩不成和高秋水落百步洪登亭如見蘇長公大書深刻
十六字橫姿逸態生長風黃樓東來水如注野僧山人舊知
遇石瀨潺潺月滿天彷彿當時舊遊處題名一去不復還風
雨剝落莓苔斑水神淵客那敢闖至寶有時歸人間行河郎
官訪遺蹟摩挲愛此羊公石百夫昇出泥沙中揭本相傳驚

再得風流太守惠政多築隄兩岸高巒峩由來物與人俱重
墨妙紛紛知奈何

題吳廷端太守山水障

蒼山突起浮雲中湖光百頃磨青銅底須飽看卧遊錄入眼
已覺紅塵空何人卜築依山住一任飛雲挂庭樹下瞰澄江
作小亭正據溪山最佳處柴扉晝掩呼未開石牆夜雨生薜
苔門前有人問奇字短擢日攜春酒來對岸溪橋大於甃寒
潮漸嚙沙頭逕農家地僻少通車僧舍樓高屢聞磬村肴有
栗爨有薪忘機魚鳥相情親山林豈博鐘鼎貴優遊最愛漁
樵人竹鶴老翁今已矣半副生綃映窗几風致公然似欵西
歸興蕭蕭隔千里練水屏山今所無故鄉之樂不可孤相期

歲晚結新社飽玩天開真畫圖

宋理宗賜福王與芮雪景爲鄭村汪宗裕題

瑞峯玉樹瑪瑙坡寶祐墨本來宣和天山瓶乳絃千雀此景
此意將何如御筆中題福王字生綃上遺龍圖志鳳山日永
萬幾輕廊廟幾人同受賜天人想像冰雪顏好文亦自非等
閑詔書屢表濂洛緒詞翰卻在陳隋間三百年來驚物換散
落塵寰充一玩摩挲爲賦懷古篇安得虹光射霄漢

贈劉太古

瀟灑劉太古絕似鮑參軍老去詩還健情多酒未醺疏髯飄
亂雪長嘯過行雲何日開春社巖花約共分

松蘿山

雙峽中分一徑通寶坊遙隔片雲東四時山色酒空翠萬折
泉聲瀉斷虹清愛竹孫穿凍雪靜聞松子落香風登高兩屐
吾方健攜手無因得贊公

李員外應禎吳太守原博約遊虎邱

日散林霏見虎邱故人清約此閒遊望深緣樹知藏寺吟徧
青山始攀舟塔院風來花似雪劍池春到水如油酒闌不盡
吳中勝老衲相招更倚樓

揚州

江日輝輝下廣陵客邊吟興偶然增宋軍水砦多編戶隋帝
離宮半屬僧鵝鴨似便春雨數樓臺爭出暮雲層往來總重
承平福莫問從前幾廢興

病中齋居兼謝西涯學士見過

倚榻蕭然不出門坐聽宮漏幾黃晉暑留巾襪齋心憤病卻
茶瓜藥禁存竹簡有情時共閱楸枰無偶但空捫故人秉燭
能相訪踏破閑階碧蘚痕

次韻原博諭德

抱病經旬未入朝齋居秋思轉寥寥坐憐白日繩難繫起望
青山手可招夢繞川原疑脫騎瘦便風露愛闇蜩詩壇故事
誰先續倚席長慚郢上謠

劉諫議祠

老樹陰森護廟門尙疑生氣塞乾坤衣冠死愧千言策俎豆
公宣百世尊晏歲牛羊山下塚東風桑梓道旁村區時不盡

平生恨白日悠悠逝水奔

送辨如海上人遊松江

霜鴻將盡一帆開遠別難勝老辯才郢客未分新社約吳僧
先掃舊經臺枯腸臘供芟畦菜白足春遊了徑苦聞說木蘭
花未老晚香盈握待師來

客請遊望湖亭修碧軒不及往次韻

西望湖天半日程擬鄭寒綠洗塵縷一灣路隔紅塵遠五月
涼生白芷輕山寺茶煙衝鶴起石門空翠逼人清春來遙憶
憑闌處萬頃鷗波夕照明

送陸文量武選赴浙江參政

同榜悠悠感歲華晨星落落散天涯除書又拔吳中俊處世

眞如海上槎內史之官先過里宣公封事久名家南歸欲訪
巢居閣肯檄林僧一供茶

廣陵驛下與表兄林文秀倉使夜酌

二十四橋春草平月明依舊滿燕城繁華百代底須問邂逅
一樽無限情去國浪傳金馬客倚樓誰送玉簫聲孤帆又作
江南別坐聽船籤報五更

楊村道中

幾處吹煙認水村數聲山犬吠籬門寒天日落明鴉背荒歲
田空剩草根垂澗石如牛馬飲排雲山似節旄屯眼中無限
詩情在欲對沙鷗了一尊

吊梅宛陵

詩壘猶傳草木馨
煙雲長鎖舊池亭
魂遊宛下空秋月
客散河陽幾曙星
崑體戰降孤幟赤
都官名重一衫青
晚生欲附宣州派
慚愧牛轍還鳳輶

松崖爲縣人胡昭題

老髯踞石幽且貞
喜君卜居若平生
三更滿地星月碎
九夏半空風雨生
知心晏歲竹連鴟
過眼一春花滿城
斷芩有約無拒杖
策來尋猿鶴盟

和答吉安顧天錫太守同年

籬菊新黃百草枯
天涯相憶共朝餌
一榦秀句題鎔閣
千里虹光射鏡湖
致主有才淹老守
全身無策笑庸夫
喜聞述職行將近
幾日風帆過直沽

留別濟甯周同守

憶在成都硯席同天涯相望幾秋鴻君生向我五年長行色
困人三月中宦海積薪隨下上客途飄梗定西東艤舟不盡
牽情處太白樓前柳絮風

送釋方策住善權寺

上刹新開住辯才一舟南去水如苦再傳衣鉢詩宗遠終日
溪山晝障開草沒仙人燒藥竈花明丞相讀書臺病夫久欲
捐疊飲春培還能數寄來

早過車田村

沙岸深穿石徑幽橘梢藤刺翠相樸孤村路出荒垣近十畝
陰蟠古木稠樵狹半澗松崦腳水楮遙響竹棚頭息肩少狎

羣鷗坐不覺涼生兩袖秋

弘治辛亥歲仲冬念五日在萬山觀作

城頭霧斂青天開平地忽見雙蓬萊捲簾下瞰白雲起拂手
近招黃鸝回一龍攀石樹根古萬弩射潮風墾袁鍊師縱爾
能謝客容我到城須一來

題雜畫

青山寂無人空波澹流水垂楊不勝春搖搖蘸清泚

留雲亭

亭子臨孤絕江雲礙不飛時來簷下宿水氣濕僧衣

山水小畫爲張尚相題

山色青於染松陰掃未開水邊芳草地才見兩人來

與謝子期閒步至北山莊作

與客尋源過石梁水車遙認北山莊鴈邊一陣東風起吹落
桐花滿澗香

會昌雪亭公子許雨中移竹詩以訊之

八尺庭除半綠苔一春無意買花栽幾時憑仗連朝雨分得
青鸞教尾來

送戶部葉叔通郎中知甯國府

宛陵祠下竹娟娟一榻曾分聽夜泉攜酒寓公誰復在六回
春色到吟邊

沈石田小景

雨晴山麓上尋苔老木亭前罨畫開城市愛閒應更少水邊

才見一人來

黃仲昭 一首

仲昭名潛以字行莆田人成化丙戌進士改庶吉士授編修坐諫鰲山煙火予杖謫湘潭知縣遷南大理評事進寺副乞休弘治初起江西提學僉事尋致仕有未軒集十四卷

升菴文集宋時御前內宴翰林撰致語八節撰帖子雖歐蘇曾王司馬范鎮皆爲之蓋張而不弛文武不能百日之蜡一日之澤聖人亦不之非也成化中黃編修仲昭莊檢討累不撰元宵詞又上疏論列以去以此得名然自是而後內外隔絕每有文字別間倖門有文華門仁智殿輩每得美官至蠹政害人曷若仍舊之愈乎愚謂於魏語中富規諫意如六一公玉輩經年不遊幸上林花好莫爭開君王念舊憐遺族長使無權保厥家亦何不可田接成化三年憲宗將以元夕張燈命詞臣撰詩詞

追奉

仲昭

與編修

章懋

檢討莊

聚諫

張燈

豈堯舜之

道詩詞

豈仁義之言

乞將煙火

停止

帝以元夕

張燈

祖宗故事

仲昭等妄言

並杖之關下左遷其官時修

撰羅倫先

以言事被黜

人稱翰林四諫

檢程克勤第

墩集有元夕觀燈應制詩云五朝故

事傳來久樂與第

民同上元酒想像先皇得衆心尚有燈詞播人口

平喜是百載過邊燧不驚天氣和古來張弛皆有道太

賞心一泊非爲多未免近於迎合上旨矣

送人還莆

兩京飄泊幾星霜卻喜逢君話故鄉潮水不知離別苦又從
江上逆歸航

章懋一首

懋字德懋蘭谿人成化丙戌進士改庶吉士授編修
坐諫煮山煙火謫臨武知縣改南大理評事進福建
僉事致仕起南國子祭酒再乞休復起南太常卿南

禮部侍郎皆不就卽家進南禮部尚書卒贈太子少

保謐文懿有楓山集四卷

劉永澄邸中雜記章德懋庶吉士時閣老劉定之爲
教習一日以玉堂蔬圃詩試諸士德懋結語曰賢哉
公儀休拔卻園中菜劉以輕薄目之後又試中秋賞
月賦德懋云天下之人有罹悲愁羈患貧窮孤寡者
見月則不樂惟高官厚祿身享太平之日者見月則
樂也劉愈怒之後章以諫煙火詞得貶斥而劉遂不
救

靜志居詩詁嘗見思陵御書一幅詩云未央鐘動曙
光生隱隱初聞柳外鶯風靜御爐香篆細日高斧坐
袞衣明螭頭陞擁黃麾仗豹尾班聯白玉珩最喜及
時勤庶政蒼蠅聲裏聽雞鳴眞迹存高上舍佑鈇處
觀者疑爲思陵御製實楓山集中詩也惟及時二字
集本作君王御筆更之是楓山一集曾歸乙夜之覽
矣附識於此以當開寶舊事

田按文懿以清望重一時不欲以文藻見長余檢其
集有禁中聞鶯詩云不隨舞袖歌金縷御伴仙韶奏
玉墀長信夢回欹枕處墳闌吟

罷倚闌時未嘗不清麗可誦也

別閩南僚友

三年憲府同懷抱此日離亭惜解攜回首建溪溪上路春山
隨處鷓鴣囀

張弼十四首

弼字汝弼松江華亭人成化丙戌進士授兵部主事
歷員外出爲南安知府有東海集九卷

東海集成化壬寅九月旣望石齋先生白沙陳獻章
公甫應詔起而之京道過南安而太守東海居士華
亭張汝弼欲用曹參禮蓋公旣事款留於周程吟風
弄月臺上數月以受教石齋不可曰當不俟駕矣今
方度嶺又值積雨裝弗亟辦容與數日耳東海不能
強石齋有詩曰玉枕山前逢使君西風吹破玉臺巾
巾乃石齋自製類華陽巾直方而無襞積者東海遽
遽斷論議或有戾於其道而云破此巾也遂以一
絕激之曰白沙村裏玉臺巾不耐風吹易染塵莫笑
烏紗帽俗態宋廷章甫是何人石齋復以玉枕山詩

曰一枕橫秋碧王新金鰲閣上見嶙峋使君得此原無用賣與江門打睡人跋曰東海居士詠玉臺巾悔我太甚口占玉枕山詩答之東海和答曰炎瘴多收一雨新獨看天柱聳嶙峋橫秋玉枕真無用自是乾坤不睡人天柱山亦南安之照山也故自依天柱以玉枕與石齋順其意耳而又作二絕句云客囊羞澣客衣單欲買南安玉枕山縱有枕頭那得睡雞聲催入紫宸班寄語江門打睡人而今天地正芳春覺來莫管閒花鳥須揚崑崙頂上塵囂堂詩話張東海草書名一世詩亦清健有風致假髻曲等篇皆爲時所傳誦嘗自評其書不如詩詩不如文又云大字勝小字予戲之曰英雄欺人每如此不足信也

李濂嵩渚集華亭張汝弼詩文俱自成家草書天想逸發論者推爲一代冠冕觀其送子弘宣會試詩云直道遜詞真要訣權門利路是危機可以見其爲人詩談張弼清俊明珠數顆舉世寶之

姜南五庄日記成化間妖人王臣者跋一足人稱王瘸子避食京師以左道事中貴得授錦衣千戶請爲上合大丹以採藥爲名與中貴偕出川廣直隸兩浙等處貿易搜羅寶玩需求珍異民不堪命巡鎮大臣莫敢誰何有司官吏頤指氣使奔命不暇及回京爲

各處巡撫守令交章飛劾而科道併彈於是上大怒
斬臣首傳詣所厯地方令民心大快初臣至廣東南
安守華亭張東海目覩其驕橫作詩嘆曰過嶺囊箱
下湖船丁夫日夜少安眠薄田蕩盡猶輸稅惡客時
來橫索錢窮裝東南皆赤子舉頭西北是青天不才
無計甦民困食祿乘軒自相然

武進縣志雲間張汝弼有盛名赴南安郡守道經毗
陵時陸詹事簡方得告南歸張訪之適展墓不見乃
索紙筆題一絕於陸世經堂有始知東閣先生貴不
放南安太守參之句陸歸急追之已行遠矣

震澤集張汝弼詩多警句往往爲人傳誦其草書尤
多自得酒酣興發頃刻數十紙疾如風雨矯如龍蛇
欹如墮石瘦如枯藤狂書醉墨流落人間雖海外之
國皆購其蹟世以爲難張復出也

田按東海詩有豪氣不受
羈勒七言斷句尤推擅場

假髻曲

東家美人髮委地辛苦朝朝理高髻西家美人髮及肩買妝
假髻亦巍然金釵寶錦圍朱翠眼底何人辨眞僞天桃窗下

來春風假髻美人歸上公

雲間雜識張東海作假髻曲諷刺時貴當路銜之出
守南安不得調而歸邵二泉作輓詩云張公不作南
安守只說文章止潤身滿路棠
陰棺蓋後忌公人是愛公人

養馬行

領馬易養馬難妻子凍餒俱庭辱若有芻豆且自殮安能養
馬望息蕃平原草盡風色寒羸馬散放聲嘶酸忽然倒地全
家哭便挺賠償賣茅屋茅屋無多賠不足更牽兒女街頭鬻
鄰翁走慰不須悲我家已鬻兩三兒

田按陸文量菽園雜記云國初馬養於各苑馬寺各
監苑而已永樂中始以官茶易和林等處馬養之且
謂之茶馬正統十四年京師有營乃選取以備軍
資養於順天府近京屬縣謂之寄養騎操馬及京師
無事寄養之馬不復散去至今遂爲故事每歲孳生
暗補之法恐與各處茶馬無異養馬之家雖已量免

糧差而賠補受累者多其最害事者牝馬每歲不通
溼而孕謂之飄沙新樂縣一家養此馬每三年賠二
駒九年已賠六駒產已廢矣東海此詩可以相證陸
清獻稱東海養馬行諸詩用意深遠與杜子美兵車
行諸作相表裏有天下國家
者所不可不慎良非虛矣

夏仲昭畫行

君不見輞川王郎鐵鉤鎖漁陽塵飛竟摧墮君不見江南李
主金錯刀澄心堂紙同煙銷宋家寫竹文與蘇不求文字稱
士夫息齋板刻不足數房山尚書特奇古俱隨物改世見稀
我朝好手尙屬誰九龍山人王友石毫素爭先化工力當時
揮洒未足珍於今一紙千金值太常清卿得真傳風流瀟洒
與差肩宛如指活妙書法陽冰古勁張旭顛紫宸朝迴寫此
幅遠近縱橫萬枝玉鷗鶴吟雨下江皋猿猱號煙度巖曲湘

靈瑞瑟廿五絃淒淒切切如流泉長日相看竟忘寢箇中妙
趣難言宣乃知此老真奇絕他弄清風與明月古來數輩皆
其儕興酣還陋芭蕉璫

東皋堂爲宜興王景昇賦

荆溪東下白雲鄉五斗先生舊草堂蔬圃幾弓連町疃稻田
百畝接陂塘魚兒浦口酒船小燕子風前茶焙香應笑東華
塵土客馬跋終日爲誰忙

渡江

楊子江頭幾問津風波如舊客愁新西飛白日忙於我南去
青山冷笑人孤枕不勝鄉國夢敝裘猶帶帝京塵交遊落落
俱星散吟對沙鷗一愴神

董其昌畫禪室隨筆 張東海題詩金山西飛白日忙
於我南去青山冷笑人有一名公見而物色之曰此
當爲海內名士東海在當時以氣節重其書學醉索
名動四夷自吳中書家後出聲價少減然行書尤佳

今見者
少耳

和江源一韻

半醒半醉寫烏絲卻憶南安對酒時玉面阿童鸕鷀舞青山
小吏鷓鴣詩曲江池畔秋風早鐵漢樓頭落日遲聞道使君
重過此此情應與水同馳

棠溪景

白露宿寒塘寒塘浸明月懊惱少年心分
明鏡中雪

觀泉

山巘高低如繖溪流屈曲無聲幽人閉戶不出門外小橋自

橫

題畫

石磴繚紆直又斜上方樓殿隔煙霞孤舟倚岸無人渡
曉鳥聲中自落花

雨飲

花朝風雨阻清遊便躡棕鞋上小舟白髮周郎留共飲大吳
橋下酒如油

守南安東招張直

五羊城裏半詩仙袂接神交三十年綠髮張生最年少好來
鈔我紫霞篇

琳湖

琳湖湖上草堂幽，四面窗涵一鑑。
秋軒冕紅塵，飛不到竹牀。

高枕對沙鷗

寄金陵王尚文

司諫王郎我舊知，薛逢詩句李憲棋。
曾從虎口中閒過，贏得歸來兩鬢絲。

王中舍蘊和所畫團扇

素紝團扇王郎畫，竹石霜柯慘淡中。
謂是誰家舊時物，幾回

烈日幾涼風

中國古無摺扇，嘗見王秋澗記元初東南吏使持聚頭扇，當時譏笑之。我朝永樂初始有特

僕隸下人所持以便事人耳。及倭國充貢太宗福賜羣臣內府，又倣其制以供賜予天下。迨徧用之而團扇廢矣。今江南惟婦人猶存其舊題團扇因著

摺扇之緣起云。

陸深春風堂隨筆：今世所用摺疊扇亦名聚頭扇。吾鄉張東海先生以爲貢於東夷，永樂間始盛行於中

國子見南宋以來詩詞詠扇者頗多予收得楊傑
子所寫扇面搘痕尚存東坡謂高麗白松扇展之
廣尺餘合之止兩指許正今搘扇蓋自北宋已有之
倭人亦製爲泥金面烏竹骨充貢出自東夷果然
田按郎瑛七修類稿謂成化初高麗貢搘疊扇至朝
命倣製以答復書格言以賜羣臣高江村天祿識餘
亦謂聚頭扇搘灑鞶墨始於成化間予檢曾榮西墅
集有交趾削竹黏紙爲搘扇以充貢永樂乙未夏命
中書舍人寫傳格言於上以賜百官詩云捲霧舒霞
疊水紋中官擎出御前分溪藤蕭颯新樣汗竹參
差綴古文爽氣尚含鮫室雨墨香偏染鳳池雲極知
當暑清肌骨願插仁風答聖君則撫灑鞶墨不自成
化間始矣

賀欽

一首

欽字克恭廣甯後屯衛人成化丙戌進士授戶科給
事中謝病歸弘治初以薦起陝西參議不赴有醫問
集九卷

田按弱閭山人師事陳白沙才華不及白沙而勝於實過之

簡鄉人

擣壺欲就名園賞借問如今春淺深但得紅芳飛未盡便來
枝下聽鳴禽

林瀚

一首

瀚字亨大閩人成化丙戌進士改庶吉士授編修厯
修撰諭德祭酒進禮部侍郎改吏部進南吏部尙書
改兵部以忤劉瑾謫浙江參政瑾誅復官贈太子太

保謚文安有泉山集二十五卷

田按文安世有清德子庭郴庭機孫爌皆官至尙
書庭機爌並得謚文又皆爲國子祭酒一家五尙書
三祭酒三世謚文非獨明代僅見古亦罕有其倫也
余檢李西涯集有賀文安得子詩云三鳳豈須誇薛

氏八龍今已半荀家縱極力頌
揚安能預測子姓如此之盛耶

越王臺懷古

乘閒獨上釣龍臺滿目興亡事可哀宋主行宮惟綠草越王
舊業半蒼苔樓船東去家何在陵谷春深花自開山色不知
風景別還從江上送青來

陸容

十七首

容字文量太倉州人成化丙戌進士觀政工部授南
吏部主事改兵部歷員外郎中出爲浙江參政有式

齋稿浙藩稿歸田稿三十七卷

菽園雜記子未登第時未嘗作詩餘天順己卯赴會
試夢至一寺老僧出卷求題予爲一闋與之旣覺猶
記其半云一片白雲人留不住一坐湖山人移不去
翠竹吟風蒼松積雨此是怡情處及下第歸讀書海

甯寺僧文公出自雲窩卷求題宛如夢中癸未會試
嘗夢人贈詩云一篙春水到底渾入指不見波濤痕

辟巖爲我開天門至期貢院火蓋術家有辟巖火之
名而到底渾不見痕如其兆矣

田按參政與張亨父陸鼎儀稱婁東三鳳所著菽園
雜記王守溪稱爲明代說部第一平生不以詩名而
學問既博掇其佳篇究非專神性靈者所得比擬參

政自言登第後始作詩餘而靜志居詩話云式齋登
第後始爲詩豈未

細檢菽園雜記耶

送鼎儀

匍匐歸故里歡愉非昔時時窮天弗閑心晦醫難治人欺鬼
神悔四體失自持所賴諸友生相將慰吾私清談碧酒盡偶
坐白日移隱憂爲之解春陽煦寒澌君茲忍予乘感觸成傷
悲文詞雜點竊經史紛鬱疑于時跨門出躊躇將誰之敢云
巷無人而君故相知前秋別草甫戚戚心已危今春當君別

騷屑愈不支平生頗剛腸不解情別離邇近有此態瑣瑣成
何爲得非情意迫無乃志氣衰我辰將無良早歲逢百罹壯
心半隳墜似與林壑宜君誠青雲器夙抱經世資良時不易
得壯齒難久羈匡濟當自此行矣無遲遲

發鄞縣

孤眠愴曉涼登舟已云晏推窗望海隅日出煙未散雲山相
吐吞冉冉青不斷冥搜起遐思興到幘一岸涼風從何來吹
我鬢絲亂時無謝康樂居然發長歎

和李賓之止詩之作

陶翁謝朓生作詩示終止平生匪徇外此舉尤近裡昨聞詩
止詩一哂西涯子感時公是非遇事竊憂喜詩本具性情觸

之卽興起耽溺固可悲力止亦非理操觚與擲筆要在必由
已適意無勞神如此而已矣君看杜拾遺病肺汎江渙生無
濟世功藉此名千祀

城西草堂

抱藝客侯門歸來樂自存草堂幽傍郭花鳴曲通村靜坐開
書帙閒情付酒樽侯贏今已矣心事與誰論

次孫汝貞韻

檢點牀頭舊酒樽煖來花下喚詩魂歌魚不逐人彈鋏題鳳
從教客過門粉署看雲眠白晝畫樓邀月坐黃昏廟堂身世
江湖樂一飯難忘聖主恩

磧磧寺限韻

移舟來看九峯青古寺幽深試一經畫堵半昏支碧殿殘碑
欲斷倚朱櫺階前老樹知僧臘海上浮槎仰使星極目湖天
詩興遠片雲孤鶴過華亭

桐江夜行

櫓聲搖月下桐江短夢驚回午夜長道路勞人自匱越雲山
送我到錢塘還家正及迎春宴隨俗先愁賀歲忙行過釣臺
天已曙巨鯛須爲覓漁航

過公主廢宅

金屋重重瑣翠苔東風依舊燕飛來鳳簫聲歇春無主牢落
宮花幾度開

僊人宮

野樹無名花氣香古碑橫臥蘚痕蒼慙人已去空陰洞滿地
白雲春晝長

題畫

餘寒歷盡見春工一樹疏梅霽雪中破履短筇詩自好不知
吟過小橋東

南郊

卧擁明衣席未安齋郎早已報登壇君王行處陽春在不用
靈犀避夜寒

紅梅

面面春紅試曉粧天然肌骨耐冰霜東坡居士如相識肯教
銀燭照海棠

題畫

林屋重重枕野塘水荷花頃一歸航何年了卻公家事來趁
山人幾日涼

杏花便面

海霞薰染玉容酣不逐東風上舞衫記得春來曾識面相公
莊在午橋南

海甯道中

溪上漁人已曬晝晚風吹浪碧層層不知歸去了漁女淨灘
如船坐採菱

臨安道中

修篁高樹綠依依路繞青山見日稀城市炎風吹不到只愁

空翠濕人衣

將之新城復經於潛

青山高下綠陰稠爛署登程且未休莫笑癡兒了公事從容
只作看山遊

韓文一首

文字貫道洪洞人成化丙戌進士授工科給事中出
爲湖廣參議歷山東參政雲南布政使擢右副都御
史巡撫湖廣改河南入拜戶部侍郎改吏部進南京
部尙書改戶部以劾劉瑾罷官瑾誅復職加太子太
保贈太傅謚忠定有忠定集四卷

田按忠定詩音調高爽在錦衣獄時與劉忠宣唱和不縕入服其量

題送別卷爲張汝振致政還蘇州

翩翩車騎送君行路指東吳萬里程秋水長天渾入畫暮雲
春樹總闋情身閒已遂吟邊樂官好還留去後名林下儼游
無箇事任將詩酒樂餘生

潘禎一首

禎字應昌天台人成化丙戌進士官山東僉事

薛堂詩話陳公甫論詩專取聲最得要領潘禎應昌嘗謂予詩宮聲也予訝而問之潘言其父受於鄉先輩曰詩有五聲全備者少惟得宮聲者爲最優蓋可以兼衆聲也李太白杜子美之詩爲宮韓退之之詩爲角以此例之雖百家可知也予初欲求聲於詩不過心口相語聞潘言始自信以爲昔人先得我心也

看菊

獨憐九日在天涯夢繞東籬海上家千里一官空白首十年

雙眼又黃花

陸淵之一首

淵之字克深上虞人成化丙戌進士選庶吉士改禮部主事出爲敘州知府終河南布政使有東皋集十

三卷

寄章德懋

嶺月江雲望眼枯美人猶自客南都別來多少知心語臨到
封題一字無

張海二首

海字文淵德州人成化丙戌進士授給事中厯都給事中順天府丞出知鶴慶府遷太僕寺卿罷歸起兵

部侍郎謫山西參政

山左明詩鈔弘治時吐魯番侵哈密命文淵往經畧
條上六事因言遠方不可加兵來則撫之去則拒絕
之而已得命閉嘉峪關捕誅通番回夷而還孝宗以
其無功謫山西參政攷李西涯送文淵詩云營平圖
略本常事定遠功名非彼曹空庭搗穴豈不易不忍
赤子塗脂膏閉關卻使法亦有重念王業經營勢亦
可見當時朝議所在非文淵之過也其後遂用師遂
虜不以復爲所據勞而無功文淵固未爲失策矣

春聞曲二首

小窗睡起來慵寶鴨香銷錦帳空可惜好花容易謝憑將
一笑買春風

夢回繡枕啟窗紗簾幙風輕燕子斜不信閒愁春不管平分
一半與梨花

林克賢

一首

克賢字一中黃巖人成化丙戌進士官福建僉事

卽事

落日荒荒照女牆輕陰閣雨過西廂無情最是新巢燕猶自
雙雙語蠻梁

戴縉一首

縉字子容南海人成化丙戌進士除監察御史歷尚
寶司少卿擢右僉都御史進右副都御史右都御史
掌院事遷南工部尙書黜爲民

田接尙書以附和任
直取敗詩頗明秀

夜泊武昌

奉節臨湘水維舟近楚城月明山犬吠夜靜水禽鳴戀闕心

尤切恩家夢未成何如訪仙侶投老學長生

明詩紀事

貴陽陳田輯

丙鑄

張昇 一首

昇字啟昭南城人成化己丑第一人及第授修撰厯
贊善諭德庶子以劾劉吉調南工部員外吉罷復官
遷少詹擢禮部侍郎進尚書忤劉瑾謝病加太子太
保致仕卒贈太子太傅謚文禧有集三十六卷

四庫總目張昇文禧集前有邵寶序謂此集本名柏崖
集刻成而賜謚之命適至遂以名之明史本傳不言
有謚或偶漏默

與人話舊

遯遁蓬君坐月艤泊舟柳下近山扉不知玉笛來何處吹起
鄉心逐雁飛

董越

三首

越字尚矩甯都人成化己丑第三入及第授編修歷侍讀庶子太常少卿擢南禮部侍郎進南工部尚書卒贈太子少保謚文禧有集四十二卷

四庫總目朝鮮賦一卷明董越撰孝宗卽位越以庶子同刑科給事中王敵使朝鮮因述所見聞以作此賦又用謝靈運山居賦例自爲之注所言與明史朝鮮傳合知其信而有徵非鑿空也

重泛大同江

樓船重泛出通津細網晴波漾麌翠柳亂搖絲蔓娜青山倒浸碧嶙峋壺觴又勸歸來客詩句難留過去春卻怪鳬鷗

似相識水濱沙際往來頻

送邵文敬

二首

思南太守我同年吏隱東曹筆似椽曾有情詩膾人口半江帆影落樽前

山陰道士麌

邵珪

五首

珪字文敬宜興人成化己丑進士授戶部主事厯員外郎中出爲嚴州知府有半江集六卷

龍堂詩話邵文敬善書工摹詩亦有新意如江流白如龍金焦雙角短之類又有半江帆影落樽前之句人稱爲邵半江開卷蘇書答之跋云予亦以蘇書戲效東曹新體邵誤以爲效其詩作依字韻抵予首句

日東曹新體古來稀此意茫然失所歸字授坡書聊
共戲詩於巔敢相譏休誇驕才無敵未必葫蘆
樣可依御問基場諸因手向來門下幾傳衣相與大

英而龍

瓊山堂外紀邵半江一日題陳圖南小像云盤陀石

上淨無塵岳色江聲共此身莫怪吳儂渾不醒百年俱是夢中人詩成求質於李西涯西涯結之曰尚有一二字欠穩待予更之西涯乃默記竊爲已有先題

畫上後邵公見之撫掌大笑

田按文獻以巨曹郎將出守思南李賓之陸鼎儀徐謙齋有送邵思南序倪舞答有南園別意記賓之諸

人有南園別意聯句云送客南莊秋色清

霜葉酒杯

花事總閑情

寥落長材用事須爲郡

吳希野興蓬

人慣出城

李東陽好憶行囊詩卷富僥倖還看達道

道

驛舟迎

楊時暢黑頭太守黃金重

陞銓汗竹應垂千

載名陳音文敬

有留別詩云僰道山川非禹州壯懷

都屬望京樓

親分符竹承天寵遠藉珠璣託俊遊古

道翻君

未能忘一硯宦情今已付孤舟迂疏滿貞臺

公意

莫無賴

謀生拙似鳩

寶之次韻云徼外天留萬里州送

君

深駐馬碧溪芳草漫隨舟人生巧拙渾閒

莫更重論鵠與鳩

黃尚矩亦有送別詩見前一時

翰藻紛紜其實文敬以半道丁艱去未嘗至吾
黔也文敬在當時稱好事詩筆亦雅令瀟洒

觀杜氏畏山

平生負奇癖愛山看不足十日陽羨遊曾未飽餓目驚看米
頰家乃有此巖谷浮嵐似九疑幽思含湘竹靈源洞七澤春
溜濕楚綠纖雲起虧寸變態不可逐傳聞太華嶺翦此玲瓏
玉巨靈惜不得失守鬼夜哭焉知斃幾牛聞道歸應速當時
蘇老泉卻誹枯楠木茲山迴奇絕屹然當我屋脊來饒樂事
遞賞壺尊續紀勝屬菲才豪吟當刻燭但愧梅二丈吾詩豈
堪錄

九鶯圖

江沱水落沙尾長蒹葭白露秋作霜蓼叢蓮葉亦蕭索渺渺

澄波秋有光晚風吹斷寒雲腳天高氣清入寥廓飄然白鷺
從何來一樹梨花鏡中落倉皇兩隻殊苦飢窺見寒魚爭逐
之一隻仍飛欲來止一隻僵宿何葳蕤其餘五隻紛離立相
喚相呼隨所適日短江空意自閒應憐此地無矰弋嘆息良
工多苦思滿堂風露秋淋漓夢斷江南渺何許撫視徒令楚
客悲

無錫聽松寺復竹茶爐和秦武昌韻

此君只合對臞禪淪沒重經甲子年苔枕詩瓢情脈脈松風
水月夢娟娟風塵净洞誰能識湖海歸來信有緣珍重武昌
秦太守大篇珠玉爲誰傳

送宜興僧琛公

法藏寺前春草生，斬蛟溪上暮雲平。
十年薄宦違清賞，此日送君空復情。
社燕秋鴻浮世夢，煮茶燒筍石林盟。
西風一葦滄江遠，看取東南佛日明。

寓新塘雜咏

夏雲重疊晚猶奇，江館追涼也自宜。
欲放扁舟過別渚，荷花菱葉雨絲絲。

屑動三首

勳字元勳，平湖人。成化己丑進士。授工部主事，改刑部員外郎。中南大理寺丞，進大理少卿。擢右副都御史，巡撫順天。召拜刑部侍郎，改左副都御史。復爲刑部侍郎，歷右都御史，進刑部尙書。忤劉瑾，引疾求歸。

去加太子太保致仕卒贈太保謚康禧有太和堂集

六卷

田接康禧以政
事名詩亦雅節

遊西郭園池

遠山含雨黑雲稠詩到林泉景更幽野寺可能添一榻水田
應只欠雙鷗風光入眼渾無賴塵事驅人且未休唯有杜陵
豪氣在蘆將花鳥賦春遊

再遊南山

門出清波一掌平宜煙宜雨又宜晴紺泥攀翠漫漫下蕩日
華絲裊裊輕蓬島只疑雲咫尺江山好是畫分明園林無地
無春色漫道東風不世情

題蔣文藻扇

數竿修竹綠猗猗水石儼然物外奇誰遺林塘落君手畫圖
相見一題詩

周瑛五首

瑛字梁石莆田人成化己丑進士授廣德知州遷禮部郎中出爲撫州知府改鎮遠厯四川參政擢布政使有翠渠稿七卷

清陽文獻梁石文章渾深雅健有根底詩格調高古
書初學晦翁變爲奇勁
田按梁石與陳白沙講學旨趣不合晚與黃未軒修
興化府志持議亦抵牾自號蒲陽拘史詩擬古音節
極合律絕亦饒風趣

猗蘭操

維山有谷露瀼瀼兮維谷有蘭揚孤芳兮我行四方荆棘蔽野採芳而佩知蘭實寡我恩文武于鎬于豐欲往從之路阻不通吾道非矣掩袂漣泊與世遼矣

邵武道中夜宿半山鋪

邵武城南路行行重苦辛高山雙倦足空館一愁人涼月照華髮西風吹敝巾長安一萬里何處是通津

早春出郭呈祁石阡

侵晨出郭喜聯鑣馬首人家入望遙雲暝孤城微見堞雪消春水欲平橋山田鳴雉麥猶短野陌初蠶桑未條經國有謀勞相度擬將封事上清朝

神樂觀張道士乞詩

金爐火煖養丹砂滿院靈光含紫霞野鶴不鳴春晝永玉笙吹落碧桃花

爲葉左參題畫

短短桃花點綠莎輕輕白鳥下晴波宛然西塞山邊路只欠能詩張志和

楊先溥六首

先溥字文卿沂水人成化己丑進士官山西按察副使有沂川集

田按文卿詩有閒適之趣
覺柴桑風景去人不遠

村居漫興

老去常昏飯支離仗酒全存亡驚故友寒暑感流年書映松

窗月茶烹土鑊煙一琴高挂壁陶令任無絃

六十

短髮垂肩白蹉跎六十年乾坤歸老眼歲月付瘧禪嗜酒劉玄石耽詩孟浩然採薇應亦足無事祝蒼天

春日村居

鋤罿園蔬又治田陰陰榆柳蔭堂前市沽頓積頻年債午夢真成小洞仙幾葉漁舟春水渡一聲樵笛夕陽川回思車馬紅塵路卻恨歸來已暮年

初歸

組綬勞生兩發星歸來笑殺草堂靈秋風蘿蔓迷樵徑春水桃花失釣汀澗汎久慚龜手藥養生新買種魚經等閒睡醒

茅檐日坐看山中草樹青

夏日卽景

黃梅時節雨初晴半畝槐陰小院清卻怪山童驚夢覺午風
吹送搗茶聲

春歸

酒肆逢春屢典衣一年無奈又春歸好花落盡桃千樹幾日
山人不啟扉

陳紀

一首

紀字叔振閩人成化己丑進士選庶吉士改監察御
史歷陝西按察使進僉都御史巡撫宣府召爲副都

御史

圓通寺

翠微雲樹擁亭院俯嗟峩路轉天梯上人從木杪過澗煙眠
白鹿山雨濕青蘿應識禪堂近鐘聲向晚多

馮蘭一首

蘭字佩之餘姚人成化己丑進士選庶吉士仕至江

西提學副使有雪湖集

姚江逸詩佩之在京師與李西涯謝木齋三人雅相好木齋歸田與佩之倡和無虛日間書之以寄西涯西涯亦一一和之有云惟因兩巾屨長得夢中遊又云羨君江海上猶有舊同遊是時西涯爲一世宗工新體今西涯樂府已流傳佩之無有能舉之者矣靜志居詩話謝木齋以宰輔歸田與佩之締姻且以詩札酬報潭淵劉應徵知餘姚縣事爲刊湖山唱和詩二卷集中句可採者謝如嘉客不來虛搔榻好山難致卽移家路當樹與雲深處舟及潮隨月上時野

色遙連晴樹杪秋聲忽動暮鴉羣樓葦月上寒雲盡
村巷泥乾宿雨餘扶老最便方竹杖入秋卻愛早禾
田馮如鏡裏流年從老去山中舊業得生還蓬近
照明村落斷岸分流入海田絕頂夜晴先見日中峯
春暖易生雲雨疏籬落菊開晚水涸湖田雁下迎秋
晚菜畦依水種日斜村嫗過鄰春雲中僧住茅茨屋
雨後人耕斥鹵田沙淨雨苦無屐齒竹深秋莖有棋
聲雷霆忽作三更雨江海疑生六月冰燈火誰家無
樂事江湖此夜有離人其詩頗難優劣洵同調也

贈鍾欽禮

一笑天顏豈偶然清癯真似老神仙更教歸去應勞夢何止
呼來不上船城市已無蹤迹到江山含有畫圖傳蕭蕭短髮
寒吹帽戴鶴西湖雪後天

用按欽禮以繪事徵值仁智殿孝宗常
以老神仙呼之此詩首二句紀其事也

丁鏞三首

鏞字鳳儀上元人成化己丑進士授南刑部主事歷

員外郎中出爲興化知府有石厓集

田

按鳳儀耽詩尤愛佳山水生平多出宿山寺栖託清曠焚香對書頽然自適出守興化能折疑獄推爲神明金陵詩徵第錄一詩不足見所長余從周翠渠弘治興化志獲詩數首亟登之

遊廣化寺

嶺路肩輿側側行寒泉決決映衣明蒼松蟠屈歲華古白鳥高飛羽翼輕題字暫留遊宦蹟看山少緩故鄉情前年記得
登牛首石磴分明雲際橫

重遊廣化寺

山與石崖叟豈應有夙緣愛山有佳句時時崖上鐫

月峯院

青山碧樹一重重偶爾看雲到月峯卻悔塵緣消未盡那能長聽上方鐘

曹時中 一首

時中名節以字行松江華亭人成化己丑進士授刑部主事歷浙江按察僉事改雲南道浙江副使

雲間志畧時中喜爲懷素書與吳門沈石田不識而詩簡往來不絕一夕夢與石田執手永訣不數日而訃至錄石田墓所寄詩若干篇爲神交集

雷鳴

夜雨桃花漲春風楊柳灣數船燈火亂知是打魚還

李晟 一首

晟字孔陽濮州人成化己丑進士授監察御史改本

院照磨終鄖陽同知

寄彭總戎

昔年曾出玉門關
帝命重來鎮黑山
宛馬盡輸龍種至
番城無警虎牙閒
籌邊方叔心逾壯
草檄陳琳髮已斑
袍鼓不鳴胡騎遁
將軍塞上射鵬還

呂窓

一首

憲字秉之秀水人大學士原予以蔭授中書舍人乞
與試中成化辛卯舉人歷禮部郎中南太僕少卿遷
南太常卿有九柏存稿六卷

田按九柏詩質憲少頡特劖於
學與劉文和子欽並稱於時

送崇信伯奉使還朝

開國風雲委慶長使還龍節正煌煌館甥初識汾陽第揖客
能容汲黯狂褒襄裏葡萄浮大白廡中苜蓿飽飛黃朝廷一飯
思頤牧忠孝母忘守四方

李仁傑 一首

仁傑字唐英莆田人成化壬辰第二人及第授編修
漁梁遇雨

西風秋氣冷況復雨淒淒鳥道藤蘿濕人家煙火迷雲深川
谷暝溪漲野橋低對此堪惆悵孤猿何處號

文林 二首

林字宗儒長洲人教諭洪子成化壬辰進士除永嘉
知縣改博平遷南太僕寺丞出知溫州府有文溫州

集十二卷

答啟南見寄

綠水漿紆四山周
山深雲合叫駒嘲
坐吟春草思靈遲
卧看飛鳶感少遊
竹馬愧非前度客
虎符空綰一方憂
因君更重鄉關念
滿目煙波怕上樓

李少卿貞伯寓龍泉菴奉懷

美人掉首西山去
談笑何由一霎同
多在紫薇泉石畔
煮茶暢飲落花風

鄧庠

二首

庠字宗周宣章人成化壬辰進士授行人遷監察御史出爲河南副使進按察使歷廣東廣西布政使擢

右副都御史總督南京糧儲改巡撫河南遷南右都
御史就拜南戶部尙書有東溪稿十卷

田按尙書無詩名而五字詩特疏歟

游泐溪石室

頻年役簿書偶此息塵鞅出城松徑陰刺水秧鍼長騎陽蒸
初夏漸有踏冰想石室泐溪上一竅透天盜甃公屹崇碑樂
事傳自曩曲竇遶禪牀張炬窮幽賞苔痕步屢輕嚴溜琮琤
響出洞灘清風翛然天籟爽可當眞都遊佳境幸無黨

蒼梧江行

殘雨滴疏梧蒼江水墨闌暮雲迷島嶼沙鳥宿菰蒲路險憂
羣盜民貧望賜租王師何日下一爲掃榛蕪

楊榮

二首

榮字時秀餘姚人成化壬辰進士官工部主事有和唐音

詩談楊時秀和唐音然有風致

姚江遜詩都冰工於詩會試舟中取唐音和之月餘

成帙書學懷

虢宮送河丞市馬

野色正蒼蒼秦山半夕陽雕弓雙羽箭寶劍百金裝夜月臨
關白秋雲壓塞黃君休市千里當亡漢文皇

高昂

二首

昂字尊卿莆田人成化壬辰進士官六安知州有和

唐鼓吹集

田按楊時秀和唐音高尊卿和唐詩
鼓吹一時風尚爾爾高詩較楊工甚

凌歛臺和許渾韻

歌舞三千夢不回春風依舊掃行臺青山似怨蛾眉老芳草
曾承翠蓋來離燕有情還自語野棠無主爲誰開斷碑文字
多零落猶自摩挲玩古苔

長洲懷古和劉滄韻

猶西風吹剗灰荒基猶是舊樓臺長江無際青山出返照
微明白鳥來壓酒吳姬還解笑行吟楚客不勝哀停車欲問
前朝事淺渚蘆花幾度開

胡超一首

超字彥超湯溪人成化壬辰進士官工部員外有恥

卷六
咏懷
菴稿

東籬有佳菊淡然幽素姿終懷林壑韻不生桃李時亭亭白日晚湛湛寒露滋寂寥冰霜後此意竟何爲

林壁一首

鑒字世調閩人成化壬辰進士歷吏部郎中終廣東布政使有雙松集

潯陽驛

潯陽江上日初斜蕭瑟西風亂荻花隱隱菱歌起愁思月明猶似訴琵琶

蕭顯一首

顯字文明山海衛人成化壬辰進士授兵科給事中出爲鎮甯同知改衢州遷福建按察僉事有海鈞遺

風

田按文明在諫垣有直聲上疏陳時政斥神奸左道語甚激切出官鎮甯同知馬東田寄詩云聊復題詩寄達人天涯一別幾晨昏玄都觀裏非前度武德年中有謠言弭闕尚懷同出入瘴鄉深喜獨生存始知去住皆君賜莫道南遷不是恩

題小景

碧樹俯清流高人愛獨坐讀罷發長吟不知斜日陰

張徵

一首

徵字兼善吉水人成化壬辰進士授涪州知州擢後軍都督府經歷以言忤旨謫石州知州改師宗

儀眞述懷

親見朝廷政令新小臣私計轉憂民一言真忤九重聽萬死
猶存七尺身沙上白鷗閒笑我鏡中華髮苦催人十年揚子
江三渡今日何須更問津

姜南風月堂雜識吉水張敵任涪州知州清介公明
不畏權貴擢都督府經歷時見素林公俊爲主事以
忠諫下獄敵上章救之亦逮下獄三原王端毅公時
爲都御史疏言二人忠亮勸上納諫旌直以隆治道
宜復俊敵職以慰天下之望上怒解二人皆謫外補
敵得石州尋改師宗行至儀眞述懷云云一時傳誦
之